

卷五十九

書名 藝文類聚一百卷
 嘉靖中天水胡纘宗刊本
 撰者 唐 歐陽詢 撰
 卷 卷五十九
 內容分類 子 類書 彙考 唐五代
 索書號 子部 類書 2
 編號 C5912500

藝文類聚卷第一

唐太子率更令弘文館學士歐陽詢撰

大部上 天 日 月 星 雲 風

天

闕易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以 春秋繁露曰天有十端天地陰陽水土金木火人凡十端天亦

喜怒哀 樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

天 地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500
 東洋文化研究所漢籍目錄所藏漢籍善本文影像資料庫 索書號: 子部 類書 2
 漢籍善本文影像資料庫文本藝文類聚一百卷 嘉靖中天水胡纘宗刊本
 版權所有: 東京大學 東洋文化研究所
 使用上的注意事項



音 蘇 蘇 蘇

假 蘇 蘇 蘇

梁丘遲碑銘



藝文類聚卷第五十八

藝文類聚卷第五十九

將帥 戰伐

將帥

春秋元命苞曰上天一星為郎將 六韜曰將冬不服裘夏不操扇天雨

不張蓋出隘塞犯泥塗將必下步士卒皆走將乃就舍炊者皆飽將乃敢

食 左傳曰晉侯之弟楊于辭行於曲梁魏絳戮其僕 周官曰凡制軍

萬有二千五百人為軍王六軍大國三軍次國二軍小國一軍 史記曰

魏文侯問吳起何如人李克曰其用兵司馬穰苴弗能過也於是魏文侯

以為將擊秦拔五城 又曰齊景公召穰苴與語兵事大說之以為將軍

穰苴曰願得君之寵臣國中所以尊以臨軍乃可於是景公使莊賈往穰苴

與約會日中於軍門穰苴先馳至軍立表下漏待賈暮時莊賈乃至召軍

正問曰軍法期而後者云何曰當斬莊賈以徇三軍三軍之士斬皆震

又曰吳起之為將與士卒最下者同衣食卧不設席行不騎乘親贏糧與

士卒分勞 又曰文帝六年匈奴大入邊乃以宗正劉禮為將軍軍霸上

祝茲侯徐厲軍棘門以河內守周亞夫為將軍軍細柳帝自勞軍至灞上
及棘門軍直馳入將軍以下騎送迎已而之細柳軍士吏被甲穀不持滿
先驅至不得入驅曰天子且至軍門都尉曰軍中但聞將軍令不聞天子
詔於是上使詔將軍亞夫乃傳言開壁壁開上吏曰軍中不得驅馳於是
天子乃按轡徐行將軍亞夫將兵揖曰介冑之士不拜請以軍禮見天子
為動色改容使人稱皇帝敬勞將軍成禮而去既出軍門文帝曰此真將
軍矣曩者灞上棘門軍兒戲爾其將固可襲而虜也至亞夫可得而犯耶
稱善久之 孫子曰凡用兵之法將受令於君塗有所不由軍有所不擊
城有所不攻地有所不爭君命有所不受故將通於九變之利者知用兵
矣 韓子曰吳起為魏將而攻中山軍人有病疽有吳起自吮其膿傷者
母立而泣人曰將軍於若子如何為泣乎對曰天子吮其父之傷而殺
之涇水之上今安知不殺是子乎 黃石公三略 曰良將之軍也如已治
人推惠施恩士力日新戰如風發攻如河決 集 賦曰軍無財士不來軍
無賞士不往故良餌之下有懸魚重賞之下有勇夫 淮南子曰凡國有

難君自官召將詔之曰社稷之命將軍身今國有難願子將而應之
操鈇授將軍曰此上至天者將軍制之辭而行乃瓜鬻設明衣鑿凶門
出乘將軍建鼓旗載斧鈇臨敵攻戰而願必死無有二心 列女傳曰楚
子反攻秦軍絕糧使人請於王因問其母母問使者曰士卒無恙乎使者
曰士卒分菽粒而食之又問將軍無恙乎對曰將軍朝夕芻秦黍梁子反
破秦軍而歸母閉門不內使數之曰子不聞越王句踐之伐吳耶客有獻
醇酒一器者王使人注上流使士卒飲下流味不加喙而卒戰自五也異
日又有獻一囊糲者王又使以賜軍士分而食之甘不踰隘而戰自十也
今士卒分菽粒而食之子獨朝夕芻秦何也 漢書曰韓信亡蕭何追還
漢曰曰以為大將何曰王素慢無禮今拜大將如召小兒此乃信所以去
也王必欲拜之宜擇日齋戒設壇場具禮乃可王許之諸將皆喜人人各
自以為得大將至拜乃韓信也一軍皆驚 又曰馮唐對文帝曰天下之
將獨有廉頗李牧耳上曰嗟乎吾獨不得廉頗李牧為將唐對曰臣聞上
古王者遣將也跪而推轂曰闔以內寡人制之闔以外將軍之軍功爵

賞皆決於外 又曰霍去病為驃騎將軍為人少言有氣上嘗欲教之孫
吳兵法對曰顧方略何如爾不至學古兵法上為治第令視之對曰匈奴
不滅無以家為又曰西羌反時趙充國年七十餘上老之使問誰可將者
充國對曰無辦於老臣者矣上從焉 東觀漢記曰吳漢當出師朝受詔
又即引道初無辦嚴之日故能常任職以功名終 又曰赤眉入長安魯
禹棄勝獨克而師行有紀皆望風相攜以迎降者以千數眾號百萬 又
曰武威將軍劉尚擊武陵五溪蠻夷深入軍沒馬援因復請行時年六十
二帝愍其老未許之援自請曰臣尚能被甲帝令試之援據鞍顧盼以示
可用帝笑曰矍鑠哉是翁也遂遣援 又曰祭遵為將軍取士皆用儒術
對酒設樂必雅歌投壺在軍旅不忘俎豆 事具巧藝 魏志曰曹仁字子孝
少時不脩行檢及長為將嚴整奉法常置科於左右案以從事 又曰賈
逵字梁道自為兒童戲弄常設部伍袒又習異之曰汝大必為將帥授兵
法數萬言 又曰龐德討關羽親與羽交戰射羽中額時德常乘白馬羽
軍謂之白馬將 蜀志曰鄧艾為大將三十餘年賞爵明善郵卒伍身之



衣食資仰於官不為荷素儉 然終不治私妻子不免飢寒 吳書曰魯肅
為人節儉不務俗好治軍整頓禁令必行在軍陣手不釋書又善談論能
屬文辭有過人之明周瑜之後肅為之冠 抱朴子大將民之司命社稷
存亡於是乎在 晉張華 命將出征詩曰重華隆帝道戎蠻或來賓徐
夷與有周鬼方亦違殷今在 盛明世寇虐動西垠單醪豈無味挾纊感至
仁 梁吳筠古意詩曰匈奴數欲盡僕在玉門關蓮花穿劍鏑秋月掩刀
環春機恩窈窕夏鳥鳴絲蠻中人坐相望狂夫終不還 又邊城將詩曰
塞外何紛紛胡騎欲成羣爾時始應慕來投霍冠軍刀含四尺影劍抱七
星文袖間血灑地車中旌拂雲輕軀如未殞終當厚報君 又邊城將詩
曰僕本邊城將馳射靈關下 箭銜鴈門石氣振武安瓦勳輕賞發兵名高
拜橫野留書應鑿楹傳功須勒社徒傾七尺命酬恩終自寡 又邊城詩
曰聞君報一食遠送出平野 玉標丹霞劍金絡豔光馬高旗入漢飛長鞭
匿地寫曙星海中出曉月山頭下歲晏坐論功自有思臣者 又邊城詩
曰臨淄重蹴踘西城好擊刺不要身後名專聘眼前智君看班定遠立功

不負義掣拽二丈旗躑躅雙鳧騎但問相知否死生無險易晉書楚
白起贊曰烈烈栢栢時維武安神機電斷氣濟師然南折勁楚走魏禽韓
北摧馬服凌川成丹應侯無良蘇子入關噉噉讒口火燎平原遂焚社鄰
與簫俱燔惟其歿矣古今所歎 又韓信贊曰淮陰屈節盤於幽賤秦失
其鹿英雄交戰踐楚知亡撫戈從漢遂寤明主超然虎奮威震趙魏擒項
平難割據山川稱孤南面惜哉邁欵一朝書叛 又樂毅贊曰樂生誕節
寔立弘度丹旌電麾秦韓景附威震濟西齊愍失據惠之不敏翻然高翥
栖遲一丘以保皓素表後魏温于昇廣陽王北征請大將表曰今四郊
多壘三軍申發率土之濱莫敢寧晏况忝末屬復董元戎臣不盡心誰將
竭力豈容飾讓苟違戎重但以軍旅之事實所未學求保重將隨方指麾
臣請先驅被堅督戰若使旗鼓相望埃塵相接決機兩陣之間不辭萬死
之地脫獨委臣專摠戎旅兵術靡常軍機屢變以臣當之必所未達雖秦
廣筭有均膠柱論魏何晏韓白論曰此兩將者殆蚩尤之敵對開關所
希有也何者勝或曰白起功多前史以為出奇無窮欲窺滄海白起為勝

若夫韓信斷幘以覆軍拔旗以流血其以取勝非復人力也亦可謂奇之
又奇者曰起破趙軍詐奔而斷其糧道取勝之術皆此類也所謂可奇於
不奇之間矣安得比其奇之又奇者哉 宋范曄二十八將論曰二十八
將者前世以為上應二十八宿禾之詳也然咸能感會風雲奮其智勇議
者多非光武不以功臣任職至使英姿茂績委而勿用然原夫良圖遠筭
固將有以焉爾若乃王道既衰降及霸德猶能受授惟庸勲賢兼序如管
隰之迭升栢世先趙之同列文朝可謂兼通矣降自秦漢世資戰力至於
翼夫王運皆武人屈起亦有鬻繒盜狗輕猾之徒或崇以連城之賞或任
以阿衡之地故勢疑則隙生力伴則亂起蕭樊且猶縲繼信越終見蒞戮
不其然乎因茲以降迄于孝武辛輔五世莫非公侯遂使搢紳道塞賢能
蔽擁故光武監前事之違存矯枉之志雖寇鄧之高勲耿賈之鴻烈分土
不過大縣數四所加特進朝請而已觀其治平臨政課職責咎將謂導之
以法齊之以刑者乎永平中顯宗追感前世功臣乃圖畫二十八將於南
宮雲臺其外又有王常李通竇融卓茂合三十二人叙其本第係之篇末

戰伐

尚書太傅曰戰者憚驚之也。春秋說題曰：伐人者國內行威有所斬壞，伐之為言敗也。太公金匱曰：武王伐殷，丁侯不朝，尚父乃盡丁侯射之。丁侯病，遣使請臣，尚父乃以甲乙日拔其頭，箭丙丁日拔其目，箭戊巳日拔其腹，箭庚辛日拔股，箭壬癸日拔足，箭丁侯病乃愈。四夷聞乃懼，越裳氏獻白雉。尚書曰：今予發，惟恭行天之罰。今日之事，弗讐于六步七步，乃止齊焉。夫子勗哉，弗讐于四伐五伐六伐七伐，乃止齊焉。又曰：帝曰：咨，禹！惟茲有苗，弗率，汝徂征。禹乃會羣后，誓于師，曰：濟濟有衆，咸聽朕命。蠢茲有苗，昏迷不恭，侮慢自賢，反道敗德。君子在野，小人在位，民弃不保，天降之咎。肆予以爾衆士，奉辭伐罪。禮記曰：天子將出征，類乎上帝，宜乎社，道乎禰，禡於所征之地。大戴禮曰：明主之征也，猶時雨也。至則民悅矣。左傳曰：衛大旱，甯莊子曰：周飢，克殷而年豐，天其或者欲使衛討邢乎？從之。師興而雨。又曰：晉侯復假道於虞，以伐虢。宮之奇諫曰：虢虞之表也。虢亡虞

必從之。諺所謂輔車相依，唇亡齒寒，虞虢之謂也。虞公不聽，後遂為晉所滅。春秋佐易期曰：太尉主甲卒，神名辯會曰：庫兵動，鼓自鳴，得諸侯象也。管子曰：桓公北伐，山戎以升布天下。又曰：桓公北伐，孤竹未至，卑耳之谿，十里援弓而射，未敢發也。謂左右曰：見前人乎？對曰：不見。公曰：寡人見人長尺而人物具焉，冠冠右祛，衣馬前疾走，寡人其不濟乎？管仲曰：祛衣示前有水也。右祛涉也。至卑耳之谿，從左涉，深沒冠，從右涉，水深至膝。已涉，大濟。公拜曰：仲父之聖若此也。又曰：代出狐白皮，狐應陽之變。

六月而一見，公貴買之。代人臣難得喜，其貴價必相率而求之。令齊載金錢之代，谷求狐白皮。代王聞之，果去其農處，山林求狐。二十四月不得一狸皮。齊聞而伐，王代王即將其國士卒，服於齊。事具載部韓子曰：秦穆公以女樂三人遺戎，王戎王大悅，聽樂終歲不還。舉兵伐之，開地千里。史記曰：樂毅并護趙楚韓魏燕之兵，以代齊破之。追至于臨淄，齊懼，王走保於莒。樂毅獨留，徇齊攻臨淄，盡取齊寶財物，祭器輪之燕。昭王大悅，親至濟上，勞軍行賞，饗士，封毅於昌國，號為昌國君。韓詩外傳曰：武王代紂

王

到邢丘輒折為三天雨三日不休武王懼召太公而問之曰紂未可伐乎
 太公曰不然輒折為三者軍當分介為三也天雨三日者欲洒吾兵也
 淮南子曰人有伐國之志雄雞夜鳴庫兵動而戎馬驚 漢書曰武帝末
 年悔伐胡事乃封丞相為富民侯 又曰武王南伐越以牡荆曰北升登
 龍以象天一命曰靈旗以指所 論衡曰太公陰謀書武王伐殷兵至牧
 野晨舉脂燭推掩不備 魏志曰景元四年鄧艾伐蜀自陰平行無人之
 地七伯餘里鑿山通道作橋閣山高谷深至有艱險艾以旗自裹推轉而
 下將士皆攀木緣崖魚貫而進 犖虞新禮議曰漢魏故事遣將出征符
 節郎授鉞於朝堂新禮遣將御臨軒尚書授節鉞古兵書跪而推轂之義
 也 犖虞法疑要注曰古者帝王征以齊車戴遷廟之主以行故 尚書
 甘誓曰用命賞于祖不用命戮于社 王隱晉書曰咸康元年智護王隨
 領三千人討寧州賊吹三角皆裂軍人惡之隨曰裂者破也當破賊而得
 土地也 後漢崔駰安封侯詩曰戎馬鳴兮金鼓震壯士激兮忘身命
 破光甲兮跨良馬揮長戰兮廓強弩 魏文帝於黎陽作詩曰千騎隨風

靡萬騎止龍驤金鼓震上下干戚紛縱橫白旄若素霓丹旗發朱光追思
 太王德晉宇識足滅經歷萬歲林行行到黎陽 又詩曰朝發鄰城夕
 韓陵霖雨識塗塗與人困窮載馳載驅沐雨擲風舍我高殿何為泥中在昔
 周武爰暨公旦載主而征救民塗炭彼此一時唯天所讚我獨何人餘不
 靜亂 又詩曰殷殷其雷濛濛其雨我徒我車涉此艱阻遵彼洹湄言刈
 其楚班之中路塗潦是御麟麟大車載低載昂嗷嗷僕夫載仆載僵蒙塗
 冒雨雪衣濡裳 又詩曰奉辭罰罪遐征晨過黎山崦岬東濟黃河金營
 北觀故宅頓傾中有高樓亭亭荆棘繞蕃叢生南望果園青青霜露慘悽
 霄零彼桑梓兮傷情 又至廣陵於馬大作詩曰觀兵臨江水水流何湯
 湯霜不成山林玄甲曜日光誰云江水廣一葦可以航不戰屈敵虜兵記
 稱賢良 魏王粲從軍詩曰從軍有苦樂但問所從誰所從神且武焉得
 又勞師相公征關右赫怒震天威軍中多飮饒人馬皆益肥徒行兼乘還
 空出有餘資拓地三千里往反速若飛歌舞入鄴城所願獲無違 又從
 軍詩曰原風厲秋節司典告詳刑我君順時發相相東南征汎舟蓋長川

陳卒被隰垆征夫懷親戚誰能無此情哀彼東山人喟然感鶴鳴 又詩
曰從軍征遼路討彼東南夷方舟順廣川薄暮未安坻白日半西山桑梓
有餘暉蟋蟀夾岸鳴孤鳥翩翩飛征夫心兩懷悽愴令吾悲 又詩曰率
彼東南路將定一舉動籌策運帷幄一由我聖君限我無時謀譬諸具官
臣鞠躬中堅內微畫無所陳許歷為完士一言猶敗秦我有素餐責誠愧
伐檀人雖無鈇刀用度幾曾薄身 宋文帝北伐詩曰季文鑒禍先辛生
識機始崇眷非無微興廢要有以自昔論中幾條焉盈百祀不覩南雲陰
但見胡塵起亂極治方形 聖泰由積否方欲徐遣氣矧乃穢邊鄙眷言悼
斯民納隍良在已逝將振宏綱一麾同文軌 宋孝武帝北伐詩曰表裏
跨原隰左右御川梁月羽皎素魄星旗施赤光 宋謝莊江都平解嚴詩
曰肅旗蘭廟律登鉞暢乾靈朝晏推物泰通渥 扞身寧擊轅歌至世撫壤
頌惟馨 又從駕頓上詩曰中權臨楚路前茅至吳雲與馬依風蹠邊籟
當夜聞 宋傅亮從武帝平閩中詩曰鞠旅揚威大蒐徐方旅旌首路元
戎啓行弭楫洪河摠轡崇罔 又從征詩曰息徒西楚佇挹舊鄉止猶在

立動則雲翔烈烈羣 言啓行汎舟掩河秣馬登芒 齊虞羲霍將軍
北伐詩曰擁旄爲漢 馬出長城長城地勢險萬里與雲平窮秋八月
月虜騎入幽并飛狐白日晚瀚海愁雲生乘墉揮寶劔蔽日引高旌雲
七萃士魚麗六郡兵胡笳關下思羌笛隴頭鳴天長地自久人道有虧盈
未窮激楚樂已見高臺傾 齊王融從武帝琅邪城講武應詔詩曰治兵
開魯策訓旅見周篇教民良不弃任智理恒全白日映卅羽頽霞文翠旃
凌山炫組甲帶衣被戈船凝陵鬱摧愴清管乍聯綿早逢文化洽復屬武
功宣願陪玉變右一舉掃燕然 梁武帝宴詩曰止殺心自詳勝殘道未
遍四主漸懷音九夷稍革面世治非去兵國安豈忘戰釣臺聞史籍此陽
書記傳 梁簡文帝和武帝詩曰校尉聞躒勒將軍定月支南通新息柱
北屆武陽碑豫遊戲馬館教戰昆明池銀塘寫清渭銅鈎引直漪常從良
家子命中幽并兒金鞍飾紫珮玉燕帖青驪車書今已共願奏云亭儀
又詩曰祭壺今息鼓董案成開惟聊舉青龍陣正取絳宮時犒兵隨後拒
鞍祭逐前師軍門初露節步陳始分旗 梁元帝蕃難未靜述懷詩曰玉

節威雲夢金鉦韻渚宮霜戈臨漸白日羽映流紅單醪結猛將芳餌引羣
雄箭擁淇園竹劍聚若溪銅亟覩周王駿多逢鮑氏驄謀出河南賈威寄
隴西馮溪雲連陣合却月半山空樓前飄密柳井上落疏桐差營逢靈雨
立壘挂長虹 又和王僧辯從軍詩曰山虛和鏡管水靜寫樓船連雞隨
火度燧象帶烽然洞庭曉風急瀟湘夜月圓荀令多文藻臨戎賦雅篇
梁吳筠戰城南詩曰蹀躞青驪馬往救城南畿五歷魚麗陣三尺九重圍
爲君意已重無功終不歸 又詩曰前有濁樽酒憂思亂紛紛小來重意
氣學劍不學文忽值明關靜匈奴遂兩分天山已半出龍城無片雲漢世
平如此何用李將軍 又詩曰陌上何誼誼匈奴圍塞垣黑雲藏趙樹黃
塵埋隴垠天子羽書勞將軍在玉門 又詩曰雜虜冠銅鞮征役去三齊
扶山翳疏勒傍海掃沉黎劍光揮夜電馬汗晝成泥何當見天子畫地取
關西 又征客詩曰公卿來悵別葭聲在狹斜玉樽浮雲蓋朱輪流水車
鏗中懸明月劍杪照蓮花 梁沈約正陽堂宴勞旋詩曰凱入同高宴飲
至均多祐昔往歌采薇今來歡秋杜善戰惟我皇勝之不窺戶推轂授神

誤餘壯終能賈浩湯金壘溢 周流玉觴傳 又出重圍和傅昭詩曰曾連
揚一策陳平出六奇邯鄲風 雨散白登煙霧維排雲出九地陵定振五厄
梁庾肩吾被使從渡江詩曰八陣引佳兵三河摠艫舳絳天揚遠旆雷野
驅長轂夜劍動星芒秋潮驚 箭服 梁劉孝義從軍行詩曰冠軍親俠射
長平自合圍木落彫弓燥氣 秋征馬肥賢王皆屈膝幕府復申威何謂從
軍樂往反速如飛 北齊祖 孝徵從北征詩曰翠旗臨塞道靈鼓出桑乾
祁山歛雲霧瀚海息波瀾戍 亭秋雨急開門朔氣寒方繫單于頸歌舞入
長安 北齊裴讓之從北征 詩曰沙漠胡塵起關山烽燧驚皇威奮武略
上將摠神兵高臺朔風馳絕 野寒雲生匈奴定遠近壯士欲橫行 周庾
信從駕觀講武詩曰校戰出 長楊兵欄入闕場置陣橫雲起關營鴈翼張
落星奔驥駟浮雲上驩驩急 風吹戰鼓高塵擁具裝駭援時落木驚鴻屢
斷行又和平鄴應詔絕句詩 曰天策弘神兵風飛掃鄴城陣雲千里散黃
河一代清 陳伏知道從軍 五更轉五首詩曰一更刁斗鳴校尉連連城
遙聞射鵰騎懸憚將軍名二 更愁未央高城寒夜長試將弓學月聊持劍

北霜三更夜驚新橫吹獨吟春強聽梅落花誤憶柳園人四更星漢低落
月與雲齊依稀北風裏胡笳雜鳥斯五更催送籌曉色映山頭城烏初起
堞更人悄下樓 陳蘇子卿南征詩曰一朝遊桂水萬里別長安故鄉夢
中近邊愁酒上寬劍鋒但須利戎衣不畏單南中地氣煖少婦早愁寒
陳沈炯從鳴駕送軍詩曰惟堯稱乃武軒后號神兵弔民資智勇治亂屬
師貞我君膺實業歷駕視前英蒲海方無浪夷山有未平星光下結旆劍
氣上舒精雲開萬里徹日懸 白川明撫鼓山靈應詔蹕水祇驚 陳張正
見從軍詩曰胡兵屯荆北漢 拊起山西故人輕百戰聊欲定三齊風前噴
盡角雲上舞飛梯馬塞秋聲 遠龍沙雲路迷燕然自可勒函谷詎須泥
又從軍詩曰將軍定朔邊刀 斗出祁連高柳橫長塞榆關接遠天井泉含
陣竭烽火映山然欲知客心 斷旄旌萬里懸 後漢崔駰大將軍西征
賦曰主簿駰言愚聞昔在上 世義兵所克工歌其詩具陳其頌書之庸器
列在明堂所以顯武功也於 是襲孟秋而西征跨雍梁而遠蹤陟隴阻之
爰城升天梯以高翔旗旄翼 如遊風羽毛紛其覆雲金光皓以奪日武鼓

鏗而雷震 魏文帝述征賦曰建安之十三年荆楚傲而弗臣命元司以

簡旅予願奮武平南歎代靈鼓之 礪隱兮建長旗之飄飄躍申卒之皓肝

馳萬騎之瀏瀏揚凱悌之豐惠兮 仰乾威之靈武伊皇衢之遐通兮維天

納之卑舉南野之舊都聊弭節而 容與遵往初之舊迹順歸風以長邁鎮

江漢之遺民靜南畿之遐裔 魏 陳王曹植東征賦曰建安十九年王師

東征吳寇余典禁兵衛官省然神 武一舉東夷必克想見振旅之盛故作

賦一篇登城隅之飛觀兮望大師 之所營幡旌轉而心思兮舟楫動而傷

精顧身微而任顯兮愧責重而命 輕嗟我愁其何為兮心遙思而懸旌師
旅憑皇穹之靈祐兮亮元勳之必 舉揮朱旗以東指兮橫大江而莫御
魏應瑒撰征賦曰奮皇佐之豐烈 將親戎乎幽鄰飛龍旗以雲曜披廣路
而北巡崇殿鬱其華宇爛而 舒光擢雲藻之雕飾流輝采之渾黃辭
曰烈烈征師尋遐庭兮悠悠萬里 臨長城兮周覽郡邑思既盈兮嘉想前
哲遺風聲兮 魏徐幹西征賦曰 奉明辟之溥德與遊軫而西伐過京邑
以釋駕觀帝居之舊制伊吾儕之 挺劣獲載筆而從師無嘉謀以云補徒

荷祿而蒙私非小人之所幸雖身安而心危廢區宇之今定入告成乎后
皇登明堂而飲至銘功烈乎帝宴又序征賦曰余因茲以從邁方聊暢
目乎所經觀庶士之繆殊察風流之濁清松江浦以左轉涉雲夢之無陂
從青冥以極望上連溥乎天維刊梗林以廣塗慎沮洳以高蹠擊循環其
萬般亘千里之長湄行兼時而易節迄玄氣之消微道蒼神之受謝遍鷄
鳥之將栖慮前事之既終亦何為乎久稽乃振旅以復蹤沂朔風而北歸
及中區以釋勤超栖遲而無依魏王粲初征賦曰違世難以迴析方超
遙集于蠻楚逢屯否而底滯兮忽長幼以羈旅賴皇華之茂功清四海之
疆宇超南荆之北境踐周豫之末畿野蕭條而騁望路周達而平夷春風
穆其和暢兮庶卉煥以敷蕤行中國之舊壤實吾願之所依當短景之炎
陽犯隆暑之赫曦薰風温温以增熱體燁燁其若焚魏阮瑀紀征賦曰
仰天畏之高衢兮慕在昔之遐軌希篤聖之崇綱兮惟弘哲而為紀同天
工而人代方匪賢智其能使五材陳而並序靜亂由乎干戈惟蠻荆之作
讎將治兵而濟河遂臨河而就濟瞻禹績之茫茫距疆澤以潛流經崑崙

之高岡目幽蒙以廣衍遂霑濡而難量魏陳琳武軍賦曰赫赫哉烈烈
矣于此武軍當天符之佐運承斗剛而曜震漢季世之不辟青龍紀乎大
荒熊狼競以拏攫神寶播乎鎬京於是武臣赫然颺炎天之隆怒叫諸夏
而號八荒爾乃擬北落而樹表晞壘壁以結營百校羅峙千部列陳彌方
城掩平原於是啓明戒旦長庚告昏火烈具舉鼓角並震千徒從唱億夫
求和聲言隱而動山光赫奕以燭夜其刃也則楚金越冶棠谿名工清堅
皓鏐脩刺銳鋒陸陷蕤犀水載輕鴻鎧則東胡闕鞞百煉精剛函師振旅
韋人制縫弩則幽都筋骨恒山壓幹通肌暢骨崇緇曲煙其弓則烏號越
耗繫弱角端象珥繡質哲拊文身矢則申息肅慎箭籥空疏焦銅毒鐵麗
轂捷駟馬則飛雲絕景直鬚駟駢駁龍紫鹿文的躡魚若乃清道整列按
節徐行龍姿鳳峙灼有遺英又神武賦曰建安十有二年大司空武平
侯曹公東征烏丸六軍被介雲輜萬乘治兵易水次於北平可謂神武矣
奕有征無戰者已佇盤桓以淹次乃申命而後征觀狄民之故土追大晉
之遐蹤惡先穀之懲寇善魏絳之和戎受金石而弗伐蓋禮樂而思終陵

九城而上濟起齊軌乎玉繩車軒麟於雷室騎浮厲乎雲宮暉曜連乎白日旂旄繼于電光旆旣軼乎白狼殿未出乎盧龍威凌天地勢括十衡單鼓未伐虜已潰崩克俊識首梟其魁雄爾乃摠鞞環珍茵旣幕帷攘嬰帶佩不飾彫琢華璫玉璫金麟牙琢文貝紫瑛縹碧玄綠黼錦績組芻髀皮服魏繁欽征天山賦曰素甲玄燄皓肝流光左駢雄戟右攢千將彤旆朱增丹羽絳房望之如火燄奪朝陽華旗翳雲霓聚刃曜日鉉於是輶輻雲趨威弧雨發鉦鼓雷鳴猛火風烈躍刃霧散虜鋒摧折呼吸無聞醜類剝滅魏楊脩出征賦曰嗟夫吳之小夷負川阻而不廷肇天子之命公摠九伯而是征整三軍而飭戒殄征夫而叛驚舫翼華以鱗集蒼鷹雜以星陳塞川原而上下敞城隍而無垠於是州牧覆舟水衡戒事飾師就部乃講乃試信大海之可橫焉江河之足忌公命臨淄守于鄴都侯懷大奔乃號乃暮茂國事之是勉兮歎經時而離居企觀愛之偏處兮獨搔首於城隅晉陸士龍南征賦曰大安二年八月姦臣羊玄之皇甫商敢行稱亂大將軍敷命羣后同恤社稷四方之會衆以百萬粵十月軍次於朝

歌講武治戎以觀兵于懸墟栢栢先征在河之涘順彼長道懸旌千里王師之遵時茂七德而發止爾乃稅駕殷墟我徒既閑順時講武薄狩于原紛同方而類聚煥制翼而明分祗明形以誓衆習蓮攻於舊聞若溟海之引回流岱靈之吐行雲宋傅亮征思賦曰逢休明之餘祐託菲薄於末暉既致戎於皇幄亦彼已於宰闈傷鴉梁以載塢詠伐檀而屢思和風翕以首節零雨鬱而四漾津雲曉以合體墳衍杳其無封美歸飛之能矯樂湍流之自東想和鑿之比徂企雲旗之西舉灑三川之積塵廓二嶠之重阻覲高掌於華陽聆鳴鳳於洛浦宋謝靈運撰征賦曰相國宋公兵于京甸次師于汴上曾不踰月二方獻捷天子感東山之劬勞使臣導于原隰余攝官承乏謬充殊役遂寫集聞見作賦撰征惟上相之獻哲當草昧而經綸摠九流以貞觀協五材而平分龜筮允臧入鬼同情順天行誅司典詳刑迅二翼以魚麗襄兩服而鷹逝陣未列於都甸威以振於秦關詔微臣以勞問奉王命於河湄夕飲餞以儆裝且出宿而言辭冒沉雲之掩謁迎素雪之紛霏眷轉蓬之辭根悼朔鴈之起越彼微物之疚情此思

心而可歌 梁沈約憫國賦曰余生平之無立徒跼施以自閑處圍城之
傑傑得無用於行間對僚友而不怡咸消顏而相顧莫高衝之比擬壯激
矣之南度駭潛師之夜過驚躍馬之晨呼予森木密堅旗落落而踈布
時難紛其未已歲功迫其將徂育素蟻於玄胃垂葆髮於縵胡漢揚
雄趙充國頌曰明靈惟宣戎有先零先零猖狂侵灌西疆既臨其域喻以
威德有守矜功謂之弗尅請奮其旅于罕之羗天子命我從之鮮陽營平
守節屢奏封章料敵制勝威謀靡亢遂尅西戎還師于京鬼方賓服罔有
不庭 漢史岑出師頌曰茫茫上天降祚有漢兆其開業人神攸贊五曜
霄映素靈夜歎音在孟津惟師尚父素旄一麾混齊天宇蒼生更始朔風
變楚我出我師于彼四疆天子餞我輅車乘黃言念伯舅恩深渭陽 後
漢班固竇將軍北征頌曰於是雷震九里電曜高關金光鏡野武旗冒日
雲黯長霓鹿走黃磧輕選四縱所以英敵 後漢祖以毅寶將軍北征頌曰
建漢祖之龍興荷天符而用師曜神武於幽冀遇白登之重圍何獯鬻之
桀虐自上世而不羈哀民戾之習性阻廣漢之荒乖命寶侯之征討躡衡

霍之遺風奉聖皇之明策奮無前之嚴鋒採伊吾之城壁蹈天山而遙降
曠名烈於禹跡奉旗鼓而來旋聖上嘉而哀寵典禁旅之戎兵內雍容以
詢謨外折衝於無形惟倜儻以弘遠委精慮於朝廷 晉張載平吳頌曰
聞之前志堯有丹水之陣舜有三苗之誅此聖帝明王平暴靜亂未有不
用兵而制之也夫太上成功非頌不顯情動於中非言不彰獫狁既攘出
車以興淮夷既平江漢用作斯故先典之明志不刊之美事焉可闕歟遂
作頌曰上哉仁聖曰世世皇晉光澤四表繼天垂胤帝道煥於唐堯義聲邈
乎虞舜蠢爾鯨吳憑山阻水肆虐播毒而作豺虺菁茅闕而不貢越裳歸
其白雉正九伐之明典申號令之舊章布巨地之長羅振天網之脩綱制
征期於一朝並箕驅之山慕張爾乃接丹陽之峻壁層西陵之高墉日不移
亂羣醜率從望會稽而振鐸臨吳地而奮旅衆軍競趨烽燧具舉控其輕
銳走其守禦表北齊形子才百官賀平石頭表曰大江設隘實限夷華
前魏觀濤而退後魏豆山而反聲教不通多歷年代今蒼雉奉職靈臺自
梁折葦為舟憑力可及始知德通於物孟門失險道清將順劍閣自開行

舉洞庭之樂放畜長川之苑會玉帛於塗山樹桐柱於南極 梁劉孝儀
臨川王奉詔班師表曰臣有受服廟堂申威塞表既驅能罷之衆兼稟帷
幄之謀登濟河山夷滅趙魏將繫軼在之頸且屈滑橋之膝而玄陰屆節
祁寒方始降此慈弘恣茲介冑使燕然之石願勒而不刊函谷之士將封
而莫遂雖荷秋杜之田忘終慙采薇之旨 周庾信慶平鄴表曰臣聞太山
梁甫以來即有七十一代龍圖龜書之後又已三千餘年雖復制法樹
禮殊樂異至於天籟以落剡木弦弧席卷天下之心包容八荒之志其揆
一焉政須東南一尉立於北景之南西北一候置於交河之北 齊王
融答勅撰漢武北伐圖賦啓曰臣聞情蓄自中事符則感象構於始機動
斯彰但九祀一逢休明難再常願待詔木關俯對青蒲澄澣海之恒流掃
狼山之積霧係單于之頸屈左賢之膝然後天移雲動升封岱宗滅五登
三追蹤七十 又勸高帝北伐啓曰雖窮鳥必啄固等命於良鵠困獸斯
驚終並懸於厨鹿若藉巫漢之歸師騁士卒之餘憤取函河如反掌凌閔
塞若摧枯 梁簡文帝度洛陽平啓曰自函洛榛曠穰獫存食又絕正朔

之風不覩輶軒之使乘此戰心負斯戎足每興燔燧之驚常勞守漳之
自非聖略弘宣天綱遐頓豈能使漢地盡收名王爭入方今九服大同萬
邦齊軌亭塞寢兵閑候罷拚臣誠兼家國倍深歡慶 梁劉孝綽求豫北
伐啓曰或以臣素無飛將之目未從嫖姚之伍言易行難收功理絕然相
冲稱謝安無將略文靖公遂破符堅山濤謂羊祐不強建成侯卒平孫皓
微臣之譬兩賢誠無等級小虜之方二寇勢踰枯朽 晉陸機至洛與
成都王戡曰王室多故禍難荐有羊玄之乘寵凶豎專記朝政姦臣賊子
是爲比周皇甫商同惡相求共爲亂階至今天子飄颻甚於螻蝻伏惟明
公臣濟之舉義命方宣先戎既啓威風電赫機以驚暗文武寡施猥蒙橫
授委任外梱輒承嚴教董率諸軍唯力是視 晉桓溫與撫軍戡曰北胡
肆逆四十餘載傾覆社稷毀辱陵廟遇其可亡之會實是君子竭誠小人
盡力之日也江東雖爲未豐方之古人復爲未儉少康以一旅之衆興復
祖宗光武奮發中興漢室况以大晉之祚樹德長久兼百越沃野之資據
江漢山海之利鹽鐵寶帛之饒角竿羽毛之用拔英賢之略盡兵民之力

賦之強也猶復遵養時晦及其斃也不齊力掃滅則犬賊何由而自平大
 恥焉得而自雪臨紙惆悵慨歎盈懷魏陳思王曹植與司馬仲達書
 曰今賊徒欲保江表之城守區區之兵爾無有爭雄於宇內角勝於平原
 之志也故其俗蓋以洲渚為營壁江淮為城壑而已若可得挑致則吾一
 旅之卒足以敵之矣蓋戈馬者矯其矢釣魚者理其綸此皆度彼為虜因
 象設宜者也今足下曾無矯矢理綸之謀徒欲候其離舟伺其登陸乃圖
 并吳會之地收陳野之民恐非主上授節將之心也梁簡文帝答湘東
 王慶州牧書曰雖心慕子文申威涿郡意存士雅慷慨臨江而不能遂封
 狼居之山永空慕南之地逐北聊城追奔瀚海必欲卷綬避賢辭病收迹
 征匈奴立克勝之功漢吾丘壽王驃騎論功論曰驃騎將軍霍去病
 壽王作士大夫之論稱武帝之德曰士或問於大夫曰側聞強秦之用兵
 也南不踰五嶺北不渡大河海內愁怨以喪其國灌與六十餘載矣命將
 師以抗憤用干戈於四荒南排朱崖北建朔方東越滄海西極河源拓地
 萬里海內晏然鄙人不識敢問其蹤大夫曰昔秦之得天下也以力而不

以德以詐而不以誠內用南軼李斯之謀外用白起王剪之兵窺開伺隙
 既并海內之後以威力為至道以權詐為要術遂非唐突虞絕滅舊章防
 禁文學行是古之戮嚴誹謗之謀十餘年遂滂沱而盈溢是故皇天疾滅
 更命大漢反秦政務在敦厚至今六世可謂富安天于文明四夷向風徒
 觀朝廷下條門戶之士謀如涌泉動如駭機皆能安中國吞四夷君臣若
 茲何慮而不成何征而不尅雖拔泰山填滄海可也魏王粲三輔論曰
 相潛先生江濱逸老将集論雲夢玄公豫焉先生稱曰蓋聞戎不可動兵
 不可揚今劉牧建德垂芳名烈既彰矣曷乃稱兵舉眾殘我汝靈逸老曰
 是何言與天生五材金作明威長沙不軌敢作亂達我牧觀其然乃赫爾
 發憤且上征下戰去暴舉順州牧之兵建拂天之旌鳴振地之鼓玄宵
 日犀日如堵以此眾戰孰能嬰御劉牧之懿子又未聞乎履道懷智休
 顯光洒掃羣虜艾撥穢荒走袁術於西境馘射首乎武當遏孫堅於漢南
 追揚定于折齒

藝文類聚卷第五十九

藝文類聚卷第六十
軍器部 牙 劔 刀 匕首 鈇 弓 箭 弩 彈 稍
牙

兵書曰牙旗者將軍之精九始豎牙必以剛日剛日者謂上剋下也立牙之日吉氣來應大勝之徵 黃帝出軍決曰始立牙之日旗幡指敵或從風而舉暉暉絕日不絕竿勇氣奔逸 又曰將軍出兵有所討伐引兵出城門望見白雲及白水者舉白牙旗五色牙旗隨天氣四時 魏志曰典韋初為張邈士屬趙寵牙門長大莫能勝韋一手建之寵異才力 吳志曰陸遜為右都督會丹陽賊帥費棧扇動山越權遣遜討棧棧支黨多所往兵少遜乃益施牙幢分付鼓角夜潛出谷間鼓譟而前應即破散 抱朴子曰軍所始舉牙立旗風氣和調幡校飄飄終日不息者其軍有功也 賦 吳胡綜大牙賦曰黃初八年黃龍見夏口孫權稱號因瑞改元作黃龍大牙常在軍中進退視其所向命綜為賦曰狼狽垂蒙實惟兵精聖人觀法是效是營始作器械爰求厥成明明大吳實天生德仍律天時制其